

KOMMUNAL- OG MODERNISERINGS-  
DEPARTEMENTET  
v/Statsråd Jan Tore Sanner  
Postboks 8112 DEP  
0032 OSLO

Dato: 17.07.2017  
Vår ref.: 2016/34147-4  
Saksbehandlar: hanglop1  
Dykkar ref.: 16/2929-51

## **Pilotprosjekt Vestlandet – betre koordinering av statlege og regionale verkemiddel – møte med politisk leiing i departementet**

Vi viser til brev frå statsråd Jan Tore Sanner, datert 28. november 2016 (dykkar ref. 16/2929-51). I dette brevet vart Rogaland fylkeskommune, Hordaland fylkeskommune, Sogn og Fjordane fylkeskommune invitert til eit møte for å drøfte korleis ein pilot kan innrettast, og korleis prosessen kan leggjast opp. Førsetnaden var positive vedtak om samanslåing i dei tre fylka.

Som kjent vart det positive vedtak i Hordaland og Sogn og Fjordane, og i «Prop. 84 S (2016–2017) Ny inndeling av regionalt folkevalt nivå, kapittel 10.9 Forsøk som forvaltningsutvikling», går det fram at:

«Kommunal- og moderniseringsdepartementet har etter initiativ frå fylkesordførarane i Rogaland, Hordaland og Sogn og Fjordane stilt seg positivt til å medverke i arbeidet med å vurdere innretting og prosess for utvikling av pilotprosjekt for betre koordinering av statlege og regionale verkemiddel i ein ny Vestlandsregion. Utvikling av ein slik pilot føreset samanslåing til eit større Vestlandsfylke. Dersom det er aktuelt for Hordaland/Sogn og Fjordane å vidareføre dette arbeidet, må dei søkje om gjennomføring av eit forsøk, dersom det inneber unntak frå gjeldande lover og forskrifter eller anna formell endring av ansvar og styresmakt mellom staten og fylkeskommunane.»

Stortinget vedtok 8. juni 2017 å slå saman Hordaland og Sogn og Fjordane. No ynskjer dei to fylkeskommunane å etablere eit samarbeid med statleg nivå for å avklare rammene for eit pilotforsøk.

### **Rammer for vidare arbeid**

I den nye fylkeskommunen på Vestlandet vil koordinering av regional samfunnsutvikling bli ei hovudoppgåve. Samfunnsutviklingsrolla er ei utviding av fylkeskommunen si noverande rolle som regional utviklingsaktør, med koordinerande funksjon mellom statleg sektorpolitikk og heilskapleg regional samfunnsutvikling. Dette gir den nye fylkeskommunen ei viktig rolle i tilrettelegginga og koordineringa av fleire sektorvise verkemiddel for samfunnsutvikling, som igjen har påverknad på den framtidige arbeidsmarknaden på Vestlandet.

Fleire statsetatar arbeider for tida parallelt med nye regionale strukturar, og vi ser at sentrale styresmakter har teke initiativ til å sjå dei nye grensene i en samanheng. Det er difor viktig at eit slik pilotforsøk har ei breiare tilnærming enn berre næringsfeltet. Prosjektet bør også omfatte samfunns-utvikling og forvaltingsoppgåver innafor kultur, opplæring, forskning, samt NAV sitt auka fokus på regional utvikling og innovasjon.

### **Framdrift**

I tråd med den siste utviklinga på regionalt nivå er det behov for nokre justeringar når det gjeld framdrifta for samarbeidet mellom statleg nivå og dei to fylkeskommunane, for å avklare rammene for Pilotprosjekt Vestlandet. Ei godt forankra forstudie vil avklare korleis oppgåvene til det statlege og regionale verkemiddelapparatet kan samordnast og koordinerast på ein betre måte. Pilotprosjektet vil særleg vurdere

samordning av oppgaver innan innovasjon, forskning og innovasjonsretta infrastruktur. Døme på andre felt kan vere regionale tema innan landbruk, mat og bioøkonomi generelt, miljø/klima, kultur og utdanning, samt regionalisering av fylkesleddet til NAV. Forstudiet vil vidare vurdere i kva form ei slik samordning kan skje, og kva politiske og administrative styringsverktøy som må endrast/etablerast. Tenkt framdrift for det vidare arbeidet kan bli som følgjer:

- **Mandat – innan 31.09.17.** Etablere felles mandat for ein forstudie.
- **Forstudie – innan 31.12.17:** Val av verkemiddel for regional koordinering, type og omfang. Forslag til etablering av politisk og administrativ organisering og avgjerdssystem. Avklare samarbeid og fordeling av oppgaver mellom statlege- og regionale organ. Forankring av pilotforsøket.
- **Avklaring og formelle vedtak innan 31.12.17.** Forankre forslaga og gjera naudsynte vedtak på regionalt og statleg nivå. Konkretisere forslaget i budsjett og planar på begge nivå.
- **Pilotfylke 1 – Første halvår 2018:** Etablering av pilot- og prøveordningar på vedtekne område. Koordinere med eksisterande verkemiddel.
- **Evaluering – innan 30.06.19** Gjennomføre evalueringar og vurderingar for å nytte desse i samband med innføring av regionreforma frå januar 2020.

Framlegg til pilotprosjekt, med innhald og tidsplan som skissert ovanfor, har vore til politisk handsaming i fylkesutvala i Sogn og Fjordane og Hordaland, der det vart gjort slike vedtak:

#### **Sogn og Fjordane, møte i fylkesutvalet 23.08.2017:**

1. Fylkesutvalet gir si tilslutning til at Sogn og Fjordane fylkeskommune går saman med Hordaland fylkeskommune om å gjennomføre Pilotprosjekt Vestlandet for betre koordinering av statlege og regionale verkemiddel.
2. Fylkesutvalet ber om at fylkesrådmannen følgjer opp prosjektet.

#### **Hordaland, møte i fylkesutvalet 24.08.2017:**

1. Fylkesutvalet gir sin tilslutning til at Hordaland fylkeskommune går saman med Sogn og Fjordane om å gjennomføre Pilotprosjekt Vestlandet for betre koordinering av statlege og regionale verkemiddel.
2. Pilotprosjektet vil særleg vurdere samordning av oppgaver innan innovasjon, forskning, kultur, klima/miljø og innovasjonsretta infrastruktur.
3. Fylkesutvalet ber fylkesrådmannen følgje opp invitasjonen om eit møte med Kommunal- og moderniseringsdepartementet for korleis ein pilot kan innrettast.
4. Fylkesutvalet ber fylkesrådmannen setje i gang forstudiet etter den framlagte framdriftsplanen.

Dei to fylkeskommunane, som skal bli det nye Vestlandet, er difor klar til å starte arbeidet med pilotprosjektet så raskt som det er praktisk mogleg. Vi takkar difor ja til invitasjonen frå statsråden om eit møte for å drøfte korleis ein pilot kan innrettast, og korleis prosessen frametter kan leggjast opp.

Med venleg helsing

Rune Haugsdal  
Fylkesrådmann

Tore Eriksen  
Fylkesrådmann

*Brevet er godkjent elektronisk og har derfor inga underskrift.*

Kopi til:  
NÆRINGS- OG  
FISKERIDEPARTEMENTET  
v/Statsråd Monica Mæland

